



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICO-CHIRURGICA

QUOD LIBETARIIS DISPUTATIONIBUS,
*manè discutienda in Scholis Medicorum, die Jovis decimâ - quintâ
mensis Februarii, Anno Domini M. DCC. XLVIII.*

M. JOANNE-FRANCISCO ISEZ, Doctore
Medico, Præfide.

An Caries in extremitatibus ossium, vix sanabilis?

I.



RO diversâ ætate, diversa ossium durities. Ossa tenelli homuncionis in carcere materno inclusi, vix ceræ molliem habent; paulatim & temporis serie, dum crescit infans, crescunt & fibræ ossæ, & vires eundo acquirunt; ita ut in puero, qui scit voces reddere, & certo pede signare humum, jam aliquatenus indurescant: at in ætate provectiore

A

(a) Ferne-
lii descript.
corp. hum.
cap. 2.

possunt considerari, (a) *tamquam propugnacula adversus omnes impe-
tus, stabilimen atque robur corpori sustinendo, haud secus atque basis &
columna ædibus subiecta.* Ossium substantia triplex, & à variâ figurâ
varia sortitur nomina; dura nihil aliud est, quàm coadunatio fibrarum
ossearum, quæ sunt juxtâ se invicem positæ, & quæ immediatè sese
tangunt; reticularis conflatur ex iisdem fibris sese in omni sensu de-
cussantibus; & cellularis est eadem substantia in cellulas innumera-
biles distincta: hæc reperitur tantùm in ossium extremitatibus, sed
harum cellularum parietes ita sunt à naturâ dispositi, ut ad ultimam
lamellam, quâ obducuntur ossium extrema, rectâ pertingentes, hu-
jus fiant quasi totidem adminicula. Hoc mirabile artificium structuræ
internæ ossium nitidissimè apparet perpendenti. os femoris serrâ cum
arte defectum.

I. I.

EX P A N S I O N E membranosa, sensu exquisitissimo donatâ, pe-
riosteo dictâ, involvuntur ossa. Hæc sustinet rete admirabile va-
forum capillarium, quibus mediantibus, sanguis & succus ad ossa nu-
trientia advehitur: in ossium cavitate reconditur substantia pinguis &
oleosa, medullæ nomine donata; (a) est massa quæ componitur ex
infinitis vesiculis sive cellulis membranosis, quæ continent materiam
oleosam, unctuosam, sapore dulcissimam; & hæc vesiculæ sunt majores
circa juncturas: præterea extremitates ossium perforantur pluribus
poris medullosum succum in cellulas eructantibus; vasa tum sangui-
nea, tum nervosa sese comitantia internè penetrant ossa. Ex hac os-
sum structurâ abundè liquet, quantis obnoxia malis evadant. Si enim
tumor ipsis accidit, Exostosis; si vi disrumpuntur, Fractura; si ossa
incurvantur, & ipsorum extrema ampliuntur, ut in infantibus, Ra-
chitis est; si soliditatem firmitatemque suam deperdunt, Mollities
audit: sunt etenim multæ causæ, quæ valent mutare indolem liqui-
di ossa permeantis; si non gaudeat tenuitate, mobilitate necessariâ,
ut hæcce vasculâ minima lustrare possit, brevè stagnabit, à stagna-
tione fiet acris, ab acredine destructio fibrarum, & proinde caries,
quæ mala, in parte ossis solidiore; in reticulati, pejor; in extremi-
tatibus, pessima.

I. I. I.

CA R I E S morbus est, quo ossium lamellæ squamatim eroduntur;
attendendo ad præcipua cariei phænomena, veram cariei ideam
habebis. Os, quod caries aggreditur, fit pingue, colorem suum mu-
tat, ex subcæruleo candido in flavum, huic flavedini succedit ni-
grities; si specillo tetigeris, asperum, spongiosum, & molle evadit,

(a) Winslow
Traité des
Os ftais, n.º.
2.

5

foveæ profundæ excavantur in suis cellulis; (a) *fetorem singularem* (a) Boerhaa.
rancidi lardi exhalat, caro superincumbens, fungosa, mollis, flacci- de morbis
da, tumens, & ad levissimum tactum cruorem tetrâ sanie imbutum Ossium.
effundens: si oleum medullosum in suis vesiculis stagnet, brevi fiet
flavum, & ab hâcce causâ repetenda ossium flavedo; cuncta enim
pinguia temporis lapsu flavescent: ast si ille succus oleosus magis evo-
lutus, sulcos & foveas imprimat in parte ossium solidiore, quantam
stragem producet in ossium extremitatibus, quæ sunt totæ ferè cel-
lulosæ, magnâ olei quantitate turgent, undè facilius serpit vitium.

I V.

ACCUSENT alii qualitatem scorbuticam, alii scrophulosam;
alii rachiticam, alii luem veneream, singula propriis & reme-
diis convenientibus debellanda: hîc sufficiat tantum attendere, me-
dullam à stagnatione corruptionem acquirere; ossis contusio, vitium
periosteï, & quilibet liquor acer ossis partes tangens, corruptionem,
& proindè cariem poterunt producere: inter morbos, qui manum
requirant, caries annumeratur. Quando hic affectus substantiam os-
sium duram aggreditur, lentè, ac testudineo quasi passu progreditur,
& hâc de causâ facilè curatur; & ille omne tulit punctum, & cele-
rem sapiens sanationem obtinebit, qui inquinatas ossium particulas à
sanis separabit, & qui sic ad opus se accingat: os cariosum priùs nu-
dat, dein, ruginæ ope, os ipsum abradit, donec ex nigro album
appareat, & pristinum suum colorem recuperet: quoad medicamen-
ta externa, utendum iis, quæ usu quotidiano confirmantur: sed ca-
ries, quæ extremitates ossium inficit, difficillimè potest deteri, ut potè
quod in extremitatibus cellulæ sint, quasi confertim aggregatæ. At,
inquies, in hâc specie cariei nonne ignis, ceu ferrum candens debeat
applicari, ut remedium efficax, & quod omne cariosum destruit? Hâc
se methodo jactitent fautores! Absit, ut tale remedium adhibeas in-
humanum prorsus. Quantâ etenim cum cautelâ Chirurgus admoveat
ignem, ignis partes sanas offendet, undè brevî partium distractio,
laceratio; & exindè necessariò sequitur phlogosis, inflammatio, do-
lores atrocissimi, & convulsiones: præterea oleum, quod levissimo
calore fit rancidum, brevî ignis ope deterius fiet; hinc novus malo-
rum fomes: quin imò febris lenta, delirium, marasmus sunt totidem
symptomata ab ignis applicatione metuenda.

V.

PROGRESSUS cariei in ossium extremitatibus, quem partium
structura evidentissimè demonstrat, quotidianâ confirmatur expe-
rientiâ, Caries enim brevî destruit extremitates ossium, & portiones.

4

integras apophisum tum tibiæ, tum femoris, tum humeri secum rapit, & hæc vix ullâ arte sanabilis. Frustrâ sæpius adhibentur ruginæ, & terebræ perforantes, frustrâ uteris spiritu vini simplici, tincturis myrrhæ, aloës, & aliorum aromaticorum, quæ sæpè arcere valent putredinem, & corruptionem olei & succi medullaris, frustrâ manu habili oleis guaiaci, cariophyllorum, & camphoræ os cariosum inungis, dum sanationem expectas, infelix oleum & operam perdis; recrudescunt citò omnia rancidi olei accidentia, & adest quasi *pertinax rebellio* contrâ optima medicamenta. Observandum est insuper, quòd extremitates ossium articulationibus, ut plurimum, inserviant: quâ igitur arte sperari poterit sanatio cariei, quæ læso articulo, liquori, quo perpetuò madent ossium extrema, in ipsam ossis exesi substantiam ingressum patefecerit? His tot malis obviam ire cupientes Medici, & ad sanandos morbos viam breviorē feligentes, tutiorem methodum proponunt. Detestâ enim carie, ne teras tempus in applicationibus remediorum, quæ dum inani spe ludunt ægrotautes, artem infamant, & operationem periculosiorem reddunt: sed ad metam propera; ægro remediis convenientibus præparato amputationem, cautionibus adhibitis, quas ars cum successu quotidiano confirmata tibi dicitavit, perfice. Ex his liceat concludere,

Ergò caries in extremitatibus ossium, vix sanabilis.

DOMINI DOCTORES DISPUTATURI.

M. Ludovicus-Gabriel Du- *M. Pascasius Borie,*
præ,

M. Ludovicus - Claudius
Bourdeline, Antiquus Fa-
cultatis Decanus, Regia
Scientiarum Academia
Socius & in Horto Regio
Chimie Professor.

M. Antonius Petit. *M. Florentius-Carolus Bellot*

M. Michael-Ludovicus Ver-
nage, Censor Regius.

M. Stephanus Pourfour du *M. Ludovicus Pathiot,*
Petit.

M. Michael Peaget, Chirur-
gia Professor designatus.

Proponebat Parisiis BERNARDUS-NICOLAUS BERTRAND,
Parisiensis, Saluberrimæ Facultatis Medicinæ Parisiensis Baccalaureus,
A. R. S. H. 1748, à sextâ ad meridiem,